

ԳՈՐԾԱԴԻՐ

ԳԼԽԱՎՈՐ ԱՌԱՋՆԱՀԵՐԹՈՒԹՅՈՒՆԸ ՏՆՏԵՍԱԿԱՆ ԱՃԻ ԴՐԱԿԱՆ ԴԻՆԱՄԻԿԱՅԻ ՊԱՀՊԱՆՈՒՄՆ Է

Հունիսի 23-ին Վրաստանի վարչապետ Իրակլի Դարիբաշվիլու գլխավորությամբ անցկացվեց Տնտեսական խորհրդի նիստ: Խորհրդի անդամները քննարկեցին ընթացիկ տնտեսական միտումները:

Հանդիպմանը ներկայացվեցին երկրում առկա տնտեսական գործընթացները, անդրադարձ կատարեցին կառավարության նոր նախաձեռնությունների վերաբերյալ աշխատանքային ռեժիմի հարցին:

Նշվեց, որ 2022 թվականի առաջին 5 ամիսներին Վրաստանը 12,2 տոկոս տնտեսական աճ է գրանցել:

Ինչպես մեկնաբանեց Վրաստանի ֆինանսների նախարար Լաշա Խուցիշվիլին, տնտեսական աճի վրա ազդել են մի քանի գործոններ, այդ թվում՝ զբոսաշրջությունը, արտահանումը, պահանջարկի ավելացումը, ինչպես նաև արտա-



հանման աճի տեմպերը:

Հանրագումարելով նիստի արդյունքները՝ Վրաստանի վարչապետ Իրակլի Դարիբաշվիլին նշեց, որ Վրաստանում նախորդ տարվանից բավական բարձր է տնտեսական ակտիվությունը:

- Անցած տարի մենք ունեցել ենք 10,4 տոկոս (Շարունակությունը՝ 3-րդ էջում)

ԴԻՐՔՈՐՈՇՈՒՄ

ԲԻԶՆԱ ԻՎԱՆԻՇՎԻԼԻ. «ԻՇԽՈՂ ԹԻՍԸ ՍԿՋԲՈՒՆՔԱՅԻՆ ԴԻՐՔ ԳՐԱՎԵՑ, ԵՎ ՊԱՏԵՐԱԶՄԻ ՎՏԱՆԳԻ ԱՌԱՋԻՆ ՓՈՒԼԸ ՀԱՂԹԱՀԱՐՎԵՑ»

Հունիսի 27-ին Վրաստանի նախկին վարչապետ, «Վրացական երազանք-ժողովրդավարական Վրաստան» կուսակցության հիմնադիր Բիծինա Իվանիշվիլին երկրում եւ աշխարհում ընթացիկ գործընթացների վերաբերյալ համոզես եկավ հայտարարությունը:

- Մեկուկես տարի առաջ ես հասարակությանը հայտնել եմ քաղաքականությունից դուրս գալու իմ որոշման մասին, եւ դրանից հետո ամբողջությամբ պաշտպանել ու պաշտպանում եմ իմ որոշումը: Այս ընթացքում ես մի հրապարակում եմ արել եւ այն էլ նպատակով, որ որեւէ մեկին թույլ չտամ իմ անունը շահարկելու հնարավորություն, եւ չեմ ցանկանում, որ իմ գործունը որեւ-

է ազդեցություն ունենա քաղաքական գործընթացների վրա, ուստի վաղուց որոշում եմ կայացրել հանրային տարածքից իմ հեռանալու մասին:

Միեւնույն ժամանակ, որպես այս երկրի զավակ եւ նրա երկրպագուներից մեկը, բնականաբար, ամենայն ուշադրությամբ հետեւում եմ Վրաստանում տեղի ունեցող իրադարձություններին, իր հայտարարության մեջ

նշել եմ Բիծինա Իվանիշվիլին եւ հավելել, որ տարածաշրջանում տիրող ամենաբարդ քաղաքական իրավիճակի ֆոնին Վրաստանն ու նրա կառավարող թիւնն անցած ամիսների ընթացքում ստիպված են եղել (Շարունակությունը՝ 2-րդ էջում)



ԲՈՒՆԱԶԱՎԹՎԱԾ ՏԱՐԱԾՔ

ՍԱԼՈՍԵ ԶՈՒՐԱԲԻՇՎԻԼԻ. «ԲԻՃՎԻՆԹԱՅՈՒՄ ՌՈՒՍԱՍՏԱՆԵՆ ԻՐԱՎԱՆԱՅՆՈՒՄ Է ՎՐԱՍՏԱՆԻ ՏԱՐԱԾՔԻ ԲՈՒՆԱԶԱՎԹՈՒՄ»

Վրաստանի նախագահ Սալոմե Զուրաբիշվիլին անդրադարձավ բռնազավթված Աբխազիայի տարածքում Բիծվինթայի հարցով Ռուսաստանի կողմից ծրագրված նախագծին:

Ըստ Վրաստանի նախագահի, այն, ինչ պատրաստվում են իրականացնել Բիծվինթայում, Ռուսաստանի կողմից Վրաստանի տարածքի բռնազավթում է:

- Մենք ականատես ենք այդ իրադարձության կապակցությամբ մարդկանց վրդովմունքին: Դա Ռուսաստանի կողմից անընդմեջ բռնազավթման արդյունք է: Կտրականապես դատապարտում եւ միջազգային հանրությանը կոչ եմ անում խիստ արձագանքել սույն փաստին, հայտարարեց Սալոմե

Զուրաբիշվիլին:

Հիշեցնենք, որ բռնազավթված Աբխազիայի տարածքում գտնվող Բիծվինթայի պետական հանգստարանների վերաբերյալ ռուսական կողմի հետ ձեւակերպվել է պայմանագիր, ըստ որի, տարածքի 186 հեկտար հողամասը եւ ծովափնյա հատվածի 115 հեկտար տարածքը փոխանցվում է Ռուսաստանի Դաշնության սեփականության ներքո: Վերոնշյալ տարածքում գտնվող բոլոր կառույցներն անցնում են Ռու-

սաստանի պահպանության ծառայության սեփականության ներքո, իսկ Սեւ ծովի ավազանին հարակից տարածքները 49 տարի ժամկետով վարձակալությամբ տրվում են Ռուսաստանին:



ՀԱՅԱՍՏԱՆ

ՀԵՌԱՆՈՍԱԶՐՈՒՅ՝ ՀԱՅԱՍՏԱՆԻ ՎԱՐՉԱՊԵՏԻ ԵՎ ԱՄՆ ՊԵՏՔԱՐԱՏՈՒՂԱՐԻ ՄԻԶԵԼ

Հունիսի 25-ին Հայաստանի վարչապետ Նիկոլ Փաշինյանը հեռախոսազրույց է ունեցել ԱՄՆ պետքարտուղար Էնթոնի Բլինկենի հետ:

Զրուցակիցները քննարկել են Հայաստան-ԱՄՆ երկկողմ օրակարգին, ինչպես նաև տարածաշրջանի անվտանգությանն ու կայունությանը վերաբերող հարցեր:

Քննարկման առարկա են դարձել մասնավորապես, Հայաստան-Ադրբեջան խաղաղության բանակցություններին, ԼՂ հիմնախնդրի կարգավորմանը, տարածաշրջանային կոմունիկացիաների բացմանը, գերիների վերադարձին, անհետ կորած անձանց ճակատագրի պարզաբանմանը վերաբերող հարցեր:

Պետքարտուղար Բլինկենը ԱՄՆ պատրաստակամությունն է հայտնել որպես ԵԱՀԿ



Միս համամախազահող աջակցելու նշված բոլոր հարցերի լուծումներին:

Զրուցակիցները քննարկել են նաև Հայաստան-Թուրքիա հարաբերություններում տեղի ունեցող գործընթացները:

Հայաստանի վարչապետն ու ԱՄՆ պետքարտուղարը գոհունակություն են հայտնել Հայաստան-ԱՄՆ բարձր մակարդակի շփումների առիթով եւ պայմանավորվել շարունակել երկխոսությունը:

ԵԿԵՂԵՑԱԿԱՆ

ՀԱՅ ԱՌԱՔԵԼԱԿԱՆ ՌԴԴԱՓԱՌ ՍՈՒՐԲ ԵԿԵՂԵՅԻՆ ՆՇԵՅ ԶՐԻՍՏՈՍԻ ՊԱՅՏԱՌԱԿԵՐՊՈՒԹՅԱՆ ՏՈՆԸ

ՎԱՐԴԱՎԱՈՐ՝ ՎԻՐԱՀԱՅՈՑ ԹԵՍՈՒՄ

Հայ Առաքելական Սուրբ Եկեղեցու օրացույցով, 2022 թվականի հունիսի 24-ը Մեր Տեր Հիսուս Քրիստոսի Պայծառակերպության տոնն է:

Հայոց եկեղեցու հինգ տաղավար տոներից երրորդը Վիրահայոց թեմի եկեղեցիներում նշվեց Սուրբ Եւ Աննայի պատարագով: Թեմի խորհրդի եւ Վրաստանի հայաբնակ տարածաշրջանների հավատացյալ ժողովուրդը մեծ խանդավառությամբ մասնակիցը դարձավ Քրիստոսի Պայծառակերպության կամ Վարդավառի տոնակատարությանը:

Թեմի խորհրդի առաջնորդանիստ Սուրբ Գեորգ եկեղեցում տոնական Սուրբ Եւ Աննայի պատարագ մատուցեց Վիրահայոց թեմի առաջ-

նորդ Տեր Կիրակոս վարդապետ Դավթյանը:

Տոնի առթիվ Սուրբ պատարագ մատուցվեց Թեմի խորհրդի Սուրբ Եւմիածին, Ախալքալաքի, Նինոսմինդայի, Ախալցխի, Ծալկայի, Վրաստանի հայաբնակ մյուս շրջանների հայկական եկեղեցիներում:

Ախալքալաքի առաջնորդանիստ Սուրբ Խաչ եկեղեցում պատարագը մատուցեց Սամցխե-Ջավախեթի եւ Ծալկայի ընդհանուր առաջնորդական փոխանորդ Տեր Նշան վարդապետ Հմայակյանը:

ԹԲԻԼԻՍԻ ՍՈՒՐԲ ԳԵՎՈՐԳ ԱՌԱՋՆՈՐԴԱՆԻՍ ԵԿԵՂԵՅՈՒՄ ԿԱՏԱՐՎԵՅ ԽԱՂԱՎԱՐԱՐՆԵՐԻՆ ՆՎԻՐՎԱԾ ԽԱՉՔԱՐԻ ԲԱՅՈՒՄՆ ՌԻ ՕԾՈՒՄԸ

Հունիսի 24-ին, Թեմի խորհրդի Սուրբ Գեորգ առաջնորդանիստ եկեղեցում Վարդավառի տոնական պատարագը մատուցեց Վիրահայոց թեմի առաջնորդ Տեր Կիրակոս վարդապետ Դավթյանը, հավարտ որի, եկեղեցու զավթում կատարվեց նորաբաց խաչքարի օծման արարողությունը:

Հընթաց Սուրբ պատարագի, պատարագիչ Հայր Սուրբը հավուր պատշաճի քարոզ խոսեց տոնի Աստվածային խորհրդի մասին: Տոնի թելադրանքն է սիրել Աստծուն, լսել Նրա պատվիրանները եւ իրականացնել Աստծո կամքը: Տոնի պատգամն է նորոգվել Հիսուսով, Պայծառակերպված Քրիստոսով ապրել նոր կյանք, որը մարդկությանը կրթի բարություն, սեր, համերաշխություն եւ

հոգեւոր լուսավորություն: Հայր Սուրբը հորդորեց նաեւ հարստացնել կյանքը հոգեւոր արժեքներով, բարի գործերով, գթասրտությամբ եւ ներողամտությամբ: Հավարտ պատարագի, առաջնորդի եւ հոգեւոր դասի պահպանիչ աղոթքից ու օրհնությունից հետո, տոնական տրամադրությունը շարունակվեց եկեղեցու բակում: Տոնական օրը դարձավ (Շարունակությունը՝ 3-րդ էջում)

ԱՅՑ

ՎՐԱՍՏԱՆԻ ՎԱՐՉԱՊԵՏԻ ՊԱՇՏՈՆԱԿԱՆ ԱՅՑԸ ՂԱԶԱԽՍԱՆ

Յուլիսի 26-27-ը Վրաստանի վարչապետ Իրակլի Դաբիթաշվիլին, Ուզբեկստան եւ Թուրքմենստան կատարած այցերից հետո, պաշտոնական այցով գտնվում էր Ղազախստանում:

Այցի շրջանակներում, Իրակլի Դաբիթաշվիլին հանդիպումներ ունեցավ Ղազախստանի նախագահ Կասիմ-ժոմարտ Տոկաեվի եւ վարչապետ Ալիխան Սմայիլովի հետ:

Ղազախստան կատարած այցի շրջանակներում, կողմերը ստորագրեցին մի քանի համաձայնագիր, որոնք ավելի կիսորացնեն Վրաստանի եւ Ղազախստանի միջեւ տնտեսական հարաբերությունները: Ինչպես նշեց Վրաստանի էկոնոմիկայի եւ կայուն զարգացման նախարար Լեւան Դավիթաշվիլին, Ղազախստանի հետ ստորագրվել է առեւտրաշրջանառության

վերաբերյալ համաձայնագիր, որը կնպաստի Ղազախստանի եւ Վրաստանի միջեւ ապրանքաշրջանառության աճին: - Բացի առեւտրաշրջանառության վերաբերյալ համաձայնագրից, նաեւ պայմանավորվեցինք համագործակցել տեղեկատվական տեխնոլոգիաների եւ նորարարության ոլորտում: Համաձայնագիր է ստորագրվել նաեւ երկու երկրների երկաթուղիների միջեւ երկաթուղային բեռնափոխադրումների խթանման եւ համագործակցության մասով,- ասաց Լեւան Դավիթաշվիլին եւ հավելեց, որ Վրաստանով հետաքրքրված են ոչ միայն Ղազախստանը, այլ նաեւ Կենտրոնական Ասիայի այլ երկրներ: Նրա խոսքով՝ զրույցի ընթացքում անդրադարձ է եղել նաեւ Բաթումիում առկա ենթակառուցվածքների բարելավմանը:



ԵՎՐԱՄԻՈՒԹՅՈՒՆ
ԳԱԶԻ ՍՊԱՌՈՒՄԸ ԿՆՎԱԶԵՑՎԻ
15 ՏՈԿՈՍՈՎ

Եվրամիության երկրները պարտավորվել են նվազեցնել գազի սպառումը 15 տոկոսով: Անդամ երկրները քաղաքական համաձայնություն են ձեռք բերել՝ ձեռնամուտը բնական գազի սպառումը կամավոր կերպով 15 տոկոսով կրճատելու մասին՝ դրանով իսկ վաղուց ընդգծելով որ իրենք դեմ են Ռուսաստանի կողմից ԵՄ-ն պառակտելու նպատակով էներգիան որպես զենք օգտագործելու Ռուսաստանի ցանկացած փորձին:

ՌՈՒՍԱՍՏԱՆԻ ԴԵՍ
ՊԱՏԺԱՄԻՋՈՑՆԵՐԸ
ԵՐԿԱՐԱԶԳՎՈՒՄ ԵՆ

Եվրամիության խորհուրդն ընդունեց որոշում Ռուսաստանի դեմ պատժամիջոցների գործողությունը վեց ամսով՝ մինչեւ 2023 թվականի հունվարի 31-ը, երկարաձգելու վերաբերյալ: Եվրամիության տարածած հաղորդագրության մեջ նշված է, որ վերոնշյալ որոշումը նպատակաւորված է ՌԴ-ի տնտեսության հատուկ հատվածների դեմ:

ԱՄՆ-ՉԻՆԱՍՏԱՆ
ՀԵՌԱԽՈՍԱԶՐՈՒՅՑ՝
ՆԱԽԱԳԱՐՆԵՐԻ ՄԻՋԵՎ

Յուլիսի 28-ին ԱՄՆ նախագահ Ջո Բայդենի եւ Չինաստանի նախագահ Սի Յզինայի միջեւ տեղի է ունեցել թվով հինգերորդ հեռախոսազրույցը:

Երկրների ղեկավարները խոսել են ավելի քան երկու ժամ՝ Չինաստանի կողմից Թայվան հնարավոր այցի կապակցությամբ մտահոգությունների վերաբերյալ:

Սպիտակ տնից հայտնել են, որ զանգը սկսվել է առավոտյան ժամը 8:33-ին եւ ավարտվել 10:50-ին:

ԹՈՒՐԲԻԱ
ՍԿՍԵՑ ԳՈՐԾԵԼ ՑՈՐԵՆԻ
ԴՈՒՐՍԲԵՐՄԱՆ ՀԱՄԱԿԱՐԳՈՂ
ԿԵՆՏՐՈՆԸ

Ստամբուլում սկսել է աշխատել համապետական կառավարող կենտրոնը, որը վերահսկելու է հացահատիկային միջանցքը, ինչպես նախատեսված է հուլիսի 22-ին ստորագրված ուկրաինական նավահանգիստներից հացահատիկի արտահանման պայմանագրով:

Համակարգող կենտրոնում աշխատում են Ուկրաինայի, Թուրքիայի, Ռուսաստանի եւ ՄԱԿ-ի ներկայացուցիչները: Սոնիթորինգի հետ մեկտեղ, կենտրոնը կիրականացնի նաեւ նավերի զրանցում, տարանցման ժամանակացույցեր եւ նավահանգստի մուտքի զրանցում:

ԴԻՐՔՈՐՈՇՈՒՄ

ԲԻՋԻՆԱ ԻՎԱՆԻՇՎԻԼԻ. «ԻՇԽՈՂ ԹԻՄԸ ՍԿԶԲՈՒՆՔԱՅԻՆ ԴԻՐՔ ԳՐԱՎԵՑ, ԵՎ ՊԱՏԵՐԱԶՄԻ ՎՏԱՆԳԻ ԱՌԱՋԻՆ ՓՈՒՆ ՉԱՂԹԱՅՐՎԵՑ»

(Սկիզբը՝ 1-ին էջում)

անցնել շատ ցավոտ գործընթացների միջով եւ դեռ պետք է անցնեն դրանով:

- Չնայած ամենամեծ դժվարություններին, իշխող թիմը ճիշտ աշխատեց, ճիշտ ու սկզբունքային դիրքորոշում որդեգրեց եւ հիմնական դժվարությունը՝ պատերազմի սպառնալիքի առաջին փուլը հաղթահարեց: Այս ջանքերի շնորհիվ, Վրաստանին պատերազմի մեջ ներքաշելու անմիջական սպառնալիքը հնարավորինս չեզոքացվել է: Սակայն այստեղ ուզում եմ նշել, որ մինչեւ ուկրաինական պատերազմի ավարտը դեռեւս որոշակի ռիսկեր կան, եւ թե՛ կառավարությունը, թե՛ հասարակությունը պետք է չափազանց զգույշ լինեն, որպեսզի Վրաստանը վերջնականապես խուսափի ճակատագրական պատերազմից,- ընդգծեց Բիծինա Իվանիշվիլին:

Անդրադառնալով իր անձին վերաբերող հարցերին՝ նախկին վարչապետը նշեց, որ շվեյցարական բանկի հետ ծագած խնդիրն անմիջական կապ ունի Վրաստանում ընթացող գործընթացների հետ:

- Սակայն, քանի որ Վրաստանը գործնականում հաղթահա-

րել է բարդ իրավիճակը եւ անցել է պատերազմի անմիջական վտանգը, եւ նախընտրում եմ իմ եւ շվեյցարական բանկի հարաբերությունները թողնել որպես իմ անձնական խնդիր եւ շատ չժամրաբեռնել հանրությանը այս խնդրով,- հայտարարեց Բիծինա Իվանիշվիլին եւ հավելեց, որ իր համար կարեւոր է, որ Վրաստանը վերջապես կարողանա հավուր պատշաճի դուրս գալ ամենադժվար իրավիճակից եւ պահպանել խաղաղությունը, իսկ իմ անձնական հարցով կզբաղվեմ ինքս՝ փորձելով չժամրաբեռնել հասարակությանը այս խնդրով,- նշեց Բիծինա Իվանիշվիլին:

Նախկին վարչապետը անդրադառնալով նաեւ ամեիկյան դեսպանի հետ վրաց հասարակությունում լայն արձագանք առաջացրած հանդիպմանը: Նա հաստատեց, որ իրոք, Ուկրաինայում պատերազմն սկսվելուց հետո, դեսպանի խնդանքով մարտի 21-ին հանդիպել է Վրաստանում ԱՄՆ դեսպան Քելլի Դեզմանի հետ:

Նշենք, որ գրեթե երեք ժամ տեւած այդ հանդիպման փաստը չի հերքել նաեւ ԱՄՆ դեսպանը՝ նշելով, որ հանդիպմանը երբեք չի խոսվել Ուկրաինայի դեմ Ռուսաստանի պատերազմին Վրաստանի մասնակցության կամ «շանտաժի» մասին:

ՆԵՐԿՈՒՄԱԿՑԱԿԱՆ

«ՎՐԱՅԱԿԱՆ ԵՐԱԶԱՆՔ» ԽՄԲԱԿՈՒԹՅՈՒՆԻՅ՝ ԴՈՒՐՍ ԵԿԱՎ ԵՎՍ ՄԵԿ ՊԱՏԳԱՄԱՎՈՐ

Ինչպես արդեն հաղորդել ենք, շուրջ մեկ ամիս առաջ, հունիսի 28-ին «Վրացական երազանք» կուսակցությունից, եւ խորհրդարանում նույնանուն խմբակցությունից դուրս գալու հայտարարությամբ հանդես եկան Սոգար Սուբարին, Միխեիլ Ղավելաշվիլին եւ Դիմիտրի Խունդաձեն:



Նրանք իրենց որոշումը բացատրեցին երկրի հասարակությանը մատուցվող ոչ լիարժեք տեղեկատվության հարցում կուսակցության հիմնական կազմի հետ ունեցած տարաձայնությամբ: Նշենք, որ կուսակցությունից հեռացած եռյակը կարճ ժամանակահատվածում համալրվեց երկրի առանձին մունիցիպալիտետների սակրեբուլոնների պատգամավորներով:

Յուլիսի 28-ին «Վրացական երազանք» խմբակցությունից դուրս եկավ եւս մեկ պատգամավոր՝ Գուրամ Մաճարաշվիլին:

Նա միացավ Խունդաձե-Սուբարի-Ղավելաշվիլի եռյակին: Միաժամանակ հայտնի դարձավ, որ Վրաստանի կառավարող «Վրացական երազանք» կուսակցությունը լքած խորհրդարանի եւ սակրեբուլոնի պատգամավորները ծրագրում են միասին ստեղծել հասարակական շարժում:

Սոգար Սուբարիի խոսքով, նախօրեին հրապարակված նամակում Բիծինա Իվանիշվիլին հաստատել է, որ պատե-

րազմի սպառնալիքը շատ իրական է:

- Մենք պետք է ամեն ինչ անենք երկրին սպառնացող այս վտանգից խուսափելու համար: Դրա համար երբեմն անհրաժեշտ է լինում պատմել այն մասին, ինչ տեղի է ունենում կուլիսներում, տեղեկացնել հասարակության դատին, եւ հասարակությունը տիրապետի ավելի շատ ճշմարտության,- հայտարարեց Սոգար Սուբարին:

ՌՈՒՄ - ՌԵԿՐԱԻՆԱԿԱՆ ՈԱԶՄԱԿԱՆ ՀԱԿԱՄԱՐՏՈՒԹՅՈՒՆ. 156-ՐԴ ՕՐ

6 ՄԻԼԻՈՆ ԼԱՐԻ՝ ՎՐԱՍՏԱՆՈՒՄ ՌԵԿՐԱԻՆԱՑԻՆԵՐԻ ԲՆԱԿԵՑՄԱՆ ՀԱՄԱՐ

Յուլիսի 15-ից հետո Վրաստան մուտք գործած Ուկրաինայի քաղաքացիների բնակեցման հարցը լուծելու համար պետությունը կտրամադրի 6 միլիոն 300 հազար լարի:

Առողջապահության նախարարությանը կից սոցիալական ծառայության գործակալության հատկացրած գումարը սահմանված է հուլիսի 15-ից հետո հայրենիքը պատերազմի պատճառով լքած եւ Վրաստան ժամանած ուկրաինացիների համար: Ըստ այդմ՝ ծրագիրը չի վերաբերում մինչեւ հուլիսի 15-ը հանրապետություն մուտք գործած քաղաքացիներին, եւ նրանք օգոստոսի 1-ից ստիպված կլինեն լքել պետության հատկացրած հյուրանոցները:

Դեռեւս պարզ չէ՝ գործակալությունն ի՞նքն է ֆինանսավորելու հյուրանոցների վճարը, թե՞ քաղաքացիներին կհատկացնի վարձավճարի չափը:

Այդ նպատակով բյուջեից, ընդհանուր առմամբ, ծախս-

վել է 11 մլն լարի, իսկ մինչեւ ամսվա վերջ գումարը կհասնի մոտավորապես 14 մլն լարի:

Վրաստանի կառավարության 2022 թվականի հուլիսի 13-ի որոշման համաձայն, Ուկրաինայում շարունակվող ռազմական գործողությունների պատճառով Վրաստան մուտք գործած Ուկրաինայի քաղաքացիներն այս տարվա հուլիսի 15-ից կստանան ֆինանսական օգնություն՝ մեկ ընտանիքի համար 300 լարի, եւ յուրաքանչյուր անձի համար եւս 45 լարի:

Բացի սրանից, Վրաստանի կառավարության խնդրանքով ՄԱԿ-ի փախստականների հարցերով զբաղույց հանձնակատարը (UNCHR) Վրաստանում գտնվող ուկրաինացի փախստականներին երկու ամիս շարունակ յուրաքանչյուր փախստականի կհատկացնի 235 լարի:

Ըստ UNCHR-ի, ծրագիրը կմեկնարկի Վրաստանի կառավարության օգնության փաթեթին զուգահեռ՝ օգոստոսի 1-ից:

Մեկ քաղաքացու համար 235 լարի դրամական օգնությունը կավելացվի Վրաստանի կառավարության օգնության փաթեթին, որը նախատեսում է օգոստոսի 1-ից

ամսական 300 լարիի օգնություն յուրաքանչյուր ընտանիքի համար եւ 45 լարի՝ մեկ անձի համար:

ՎԱՊԻՄԻՐ ԶԵԼԵՆՍԿԻ. «ՄԵՆՔ ԿԱԶԱՍԱԳՐԵՆՔ ՌԵԿՐԱԻՆԱԿԱՆ ՀՈՂԻ ՄԻՆՉԵՎ ՎԵՐՋԻՆ ՄԵՏՐԸ»

Ուկրաինայի նախագահ Վլադիմիր Զելենսկին Ուկրաինայի պետականության օրվա կապակցությամբ հրապարակված տեսաուղերձում հայտարարեց, որ ուկրաինացիները չեն հանձնվի, կանգ չեն առնի այնքան ժամանակ, քանի դեռ Ուկրաինայի ողջ տարածքը չի ազատագրվել օկուպանտներից:

Ուկրաինայի զինված ուժերը վերջին երկու շաբաթվա ընթացքում երեք գյուղ են ազատագրել Խերսոնի շրջանում եւ շարունակում են հարձակումը:

Հիշեցնենք, որ շաբաթվա սկզբին Պատերազմի ուսումնասիրման ինստիտուտը հայտարարեց, որ ռուսական ուժերը պատրաստվում են ուկրաինական բանակի հակահարձակման Խերսոնի շրջանում:

Էջը պատրաստեց ՄԻՄՈՆ ԿԻԼԱԶԵՆ

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԳՈՐԾԱԴԻՐ

ՉԻՏԱՎՈՐ ԱՌԱՋՆԱՀԵՐԹՈՒԹՅՈՒՆԸ ՏՆՏԵՍԱԿԱՆ ԱՃԻ ԴՐԱԿԱՆ ԴԻՆԱՄԻԿԱՅԻ ՊԱՀՊԱՆՈՒՄՆ Է

(Սկիզբը՝ 1-ին էջում)

տնտեսական աճ, իսկ այս տարի 5 ամսում ունենց 12,2 տոկոս տնտեսական աճ: Անցած տարի հիմնական մասը առնվազն պայմանավորված էր 2020 թվականին տնտեսական անկման ուղղությամբ ունեցած վե-

րականգնման գործընթացով, հետեւաբար, բազային էֆեկտն այս հատվածում բավական բարձր էր,- նշեց վարչապետն ու հավելեց, որ հնարավորինս պետք է արվի տնտեսական աճի դրական դիմադրական պահանջարկի համար:

- Կառավարության առաջ-

նա հերթությունն է պահպանել տնտեսական աճի դրական դիմադրական: Տնտեսության հետհամավարակային վերականգնման տեմպերը գերազանցեցին մեր կանխագծումները, հետեւաբար երկրում առկա է համապատասխան ներուժ, ինչը թույլ

կտա պահպանել աճի մակարդակը,- հայտարարեց վարչապետը եւ հավելեց, որ մոտ ժամանակներում կառավարությունը կներկայացնի մոտ նախաձեռնություններ տնտեսական առաջընթացի մակարդակի պահպանման համար:

ՀԱՄԱԳՈՐԾԱԿՑՈՒԹՅՈՒՆ

ՄԱԿ-Ի ՉԻՏԱՎՈՐ ԱՍՏՐԵԱՅԻ ՆԱԽԱԳԱՀԸ ՎՐԱՍՏԱՆՈՒՄ

Յուլիսի 25-ին Վրաստանի վարչապետ Իրակլի Դարիբաշվիլին հանդիպում ունեցավ տարածաշրջանային այցով Թբիլիսիում գտնվող ՄԱԿ-ի Գլխավոր ասամբլեայի 76-րդ նստաշրջանի նախագահ Աբդուլլա Շահիդի հետ:

Հանդիպմանը կողմերը քննարկեցին ՄԱԿ-ի Գլխավոր ասամբլեայի շրջանակներում Վրաստանի եւ կազմակերպության միջեւ համագործակցության ընթացիկ հարցերը: Ուշադրություն հատկացվեց հակամարտության խաղաղ կարգավորման գործընթացում Վրաստանի բռնազավթված շրջաններ-

ում ստեղծված իրավիճակին եւ ՄԱԿ-ի կարելու դերին: Վարչապետը շնորհակալություն հայտնեց Գլխավոր ասամբլեայի նախագահին Վրաստանի ինքնիշխանությանն ու տարածքային ամբողջականությանը ցուցաբերած աջակցության համար:

Հանդիպմանն ուշադրություն հատ-

կացվեց նաեւ խաղաղության ու անվտանգության, մարդու իրավունքների պաշտպանության, կայուն զարգացման եւ գեղեցիկության հավասարության խնդիրներին:

Նույն օրը կայացավ նաեւ Վրաստանի խորհրդարանի նախագահ Շավլա Պապուաշվիլի հանդիպումը ՄԱԿ-ի Գլխավոր ասամբլեայի 76-րդ նստաշրջանի նախագահ, Մալդիվների Հանրապետության արտաքին գործերի նախարար Աբդուլլա Շահիդի հետ:

ԵԿԵՂԵՑԱԿԱՆ

ԹԲԻԼԻՍԻ ՍՈՒՐԲ ԳԵՎՈՐԳ ԱՌԱՋՆՈՐԴԱՆԻՍ ԵԿԵՂԵՑՈՒՄ ԿԱՏԱՐՎԵՅ ԽԱՂԱՊԱՐԱՐՆԵՐԻՆ ՆԿԻՐՎԱԾ ԽԱՉՔԱՐԻ ԲԱՅՈՒՄՆ ՈՒ ՕՏՈՒՄԸ

(Սկիզբը՝ 1-ին էջում)

Նաեւ պատմական: Վիրահայոց թեմի առաջնորդանիստ, 13-րդ դարի կառույց Սուրբ Գեորգ եկեղեցում տեղադրվեց թվով երկրորդ խաչքարը, որը հնագույն քաղաքակրթություններ կրող երկրների ժողովուրդների՝ հավատքին նվիրվածության, հայրենասիրության, բարեկամության հատկանշական լուռ վկայությունն է:

Հոգեւորականաց ու սարկավագաց դասի մասնակցությամբ, Վիրահայոց թեմի առաջնորդ Տեր Կիրակոս վարդապետ Դավթյանի ձեռնարկությամբ խաչքարը սրբազանգույն մյուռոնով օծելու կարգը:

Տուֆակերտ խաչքարի տեղադրումը նախաձեռնել եւ իրականացվել է Կարեն Խաչատրյանի ընտանիքի բարերարությամբ: Սույն խաչքարի խորհուրդը խաղաղության փափագն է, որը բոլոր ազգերի ժողովուրդների բաղձալի երազանքն է:

Հայր Սուրբը շնորհավորեց արարողությանը ներկա Խաչատրյան ընտանիքի անդամներին եւ հայտնեց իր գնահատանքը եկեղեցանվեր գործի համար:

Այնուհետեւ, եկեղեցու բակում կայացավ թեմի «Հայրատուն» կենտրոնի համերգային ծրագիրը: Կենտրոնի ղեկավար Եվգենյա Մարկոսյանի ներկայացմամբ իրար հաջորդեցին ուրախ երգն ու պարը գեղարվեստական խմբերի, «Տարոն» պարային համույթի եւ մենակատարների ու նվագակցողների մասնակցությամբ (թեմի մշակույթի բաժնի պատասխանատու՝ Սուրեն Աբրահամյան):

Հեթանոսական ժամանակներից եկող եւ քրիստոնեական շունչ ստացած միայն ջուր ցողելու սովորությունը կամ Վարդավառն իր արտահայտությունը



գտավ ջրախաղով: Վարդաքրով մաքրվելու ուրախ եւ աշխույժ տեսարանի մասնակց դարձան անհետն ու ջահելները, տեղացիներն ու զբոսաշրջիկները, ովքեր զարմանքով, եւ հետաքրքրությամբ, բայց նաեւ սիրով միանում էին ջրվղմներին ու ուրախանում նրանց մասին:

ՎՐԱՑԱԿԱՆ ՄԱՍՈՒԼԻ ԷՋԵՐԻՑ ՌՈՒՍԱՍՏԱՆԸ ԴՅՈՒՐԱՑՆՈՒՄ Է ՎՐԱՍՏԱՆԻ ԱՅՑԵԳՐԻ ՊԱՅՄԱՆԱԿԱՐԳԸ

Վրացական «Ախալի թառա» թերթը տեղեկացնում է, որ վրաց-ռուսական հասարակական կենտրոնի ղեկավար Դմիտրի Լորթքիփանիձեի հայտարարությամբ, ով վերջերս գտնվում էր Ռուսաստանում, տարվա վերջին Ռուսաստանը Վրաստանի քաղաքացիների համար կվերացնի այցեգրային պայմանակարգը եւ կվերականգնի ավիահաղորդակցությունը: Նրա խոսքով, ներկայումս աշխատանքներ են տարվում, այսպես կոչված, էրզնթիի շուկան (գյուղ, որը գտնվում է բռնազավթված Ցխիմվալիի տարածքում, եւ որտեղ էդուարդ Շեւարդնաձեի կառավարման օրոք, ոչ պաշտոնական առևտուր էր իրականացվում վրացիների եւ օսերի միջեւ) վերականգնելու ուղղությամբ: Լորթքիփանիձեի խոսքով, դեռեւս 2012 թվականի հուլիսի 14-ին Բիժինա Իվանիշվիլին խոստացել էր, որ կվերականգնի վերոնշյալ շուկան:

ԳՈՐԾԱԶՈՒՐԿՆԵՐԸ ՆՈՒՅՆՊԵՍ ՀՐԱԺԱՐՎՈՒՄ ԵՆ ԱՇԽԱՏԱՆՔԻՑ

Վրացական «Ռեզոնանսի» թերթը հրապարակել է «Վատ միտում Վրաստանում. գործազուրկները հրաժարվո՞ւմ են աշխատանքից» հոդվածը: Ինչպես նշված է հոդվածում, երկրում աշխատուժի պահանջարկը մեծանում է: Համակարգչով զբաղվածության հարցերի տարածաշրջանային մեներդ Ինգա Շահբաջյանի հավաստմամբ, չնայած դրան, աշխատանք ցանկացողների կողմից նկատելի պասսիվություն է նկատվել:

- Ինչ վերաբերում է աշխատանքին, ապա 23 տոկոսը վերաբերում է առևտրի ոլորտին, 18 տոկոսը՝ հյուրանոցներում, ռեստորաններում, սրճարաններում աշխատանքին: 11 տոկոսն առնչվում է հաշվապահության եւ ֆինանսական ոլորտի մասնագետներին, 9 տոկոսը՝ բժշկական ոլորտին, 7 տոկոսը՝ համակարգչային գործունեությանը: Ընդ որում, աշխատակիցներ են փնտրում ոչ միայն վրացական, այլեւ միջազգային ընկերությունները, ընդ որում՝ մի մասը պատրաստ է ապահովել հեռախար աշխատակարգ,- հայտարարեց Ինգա Շահբաջյանը:

COVID - 19

ԶԳՈՒՇԱՅԵ՛Ք, ԿՈՐՈՆԱՎԻՐՈՒՄԸ ՆՈՐԻՑ ԱԿՏԻՎԱՆՈՒՄ Է

10 253 ՎԱՐԱԿՄԱՆ ԵՎ 5 ՄԱՅՎԱՆ ԴԵՊԵ՝ ՄԵԿ ՇԱԲԱԹՎԱ ԸՆԹԱՑՔՈՒՄ

Վրաստանի Հիվանդությունների վերահսկման ազգային կենտրոնի հրապարակած տվյալների համաձայն, վերջին մեկ շաբաթվա ընթացքում Վրաստանում գրանցվել է կորոնավիրուսով վարակման 10 հազար 253 նոր դեպք, բուժվել է 7 508, մահացել՝ 5 մարդ:

Մեկ շաբաթվա ընթացքում Վրաստանում 74 հազար 245 թեստավորում է կատարվել: 7-օրյա թեստավորման դրական ցուցանիշը կազմել է 13,81 տոկոս:

ԱՄԻՐԱՆ ԳԱՄԳՐԵԼԻՉԵ, «ԶՆԱՅԱԾ ՎԱՐԱԿՄԱՆ ԲԱՆԱԿԻ ԱՎԵԼԱՅՄԱՆ, ԽՈՒՃԱԴԻ ՊԱՏՃԱՌ ԶԿԱ»



վել է «Կապիկի ծաղկի» միայն մեկ դեպք՝ օտարերկրյա ուղեւորությունից վերադարձած հիվանդի մոտ, որն արդեն ապաքինվել է: Այս քաղաքացուց այլ անձի հիվանդության փոխանցում չի եղել:

- «Կապիկի ծաղկի» համաճարակ չէ, այլ «կենտրոնացված վարակ որոշակի բնակավայրերում,- նշեց Ամիրան Գամդրելիձեն:

Վրաստանում Հիվանդությունների վերահսկման ազգային կենտրոնի (NCDC) ղեկավար Ամիրան Գամդրելիձեն հայտարարել է, որ չնայած վերջին շաբաթվա ընթացքում կորոնավիրուսով վարակվածների թվի ավելացման, խուճալի մատնվելու պատճառ չկա: Նա բնակչությանը կոչ արեց առավել պահպանել նախկինում տրված հանձնարարականները կորոնավիրուսի հետագա տարածումը կանխելու համար:

Անդրադառնալով «Կապիկի ծաղկի» թեմային՝ Ամիրան Գամդրելիձեն հայտարարեց, որ այն այնքան տարածված չէ, որքան մյուս շնչառական վիրուսային հիվանդությունները: Նա խոսքով, Վրաստանում գրանցվել է «Կապիկի ծաղկի» միայն մեկ դեպք՝ օտարերկրյա ուղեւորությունից վերադարձած հիվանդի մոտ, որն արդեն ապաքինվել է: Այս քաղաքացուց այլ անձի հիվանդության փոխանցում չի եղել:

- «Կապիկի ծաղկի» համաճարակ չէ, այլ «կենտրոնացված վարակ որոշակի բնակավայրերում,- նշեց Ամիրան Գամդրելիձեն:



ՀԱՄԱՇԽԱՐՀԱՅԻՆ ԱՐՏԱԿԱՐԳ ԴՐՈՒԹՅՈՒՆ՝ «ԿԱՊԻԿԻ ԾԱՂԿԻ» ՎԱՐԱԿՄԱՆ ՊԱՏՃԱՌՈՎ

Առողջապահության համաշխարհային կազմակերպությունը նախօրեին «Կապիկի ծաղկի» վարակի պատճառով առողջապահական համաշխարհային արտակարգ դրություն էր հայտարարել:

Առողջապահության համաշխարհային կազմակերպությունը «Կապիկի ծաղկի» հետ կապված գլոբալ առողջապահական արտակարգ դրություն է հայտարարել:

Առողջապահության համաշխարհային կազմակերպությունն արտակարգ դրություն է հայտարարել վիրուսի վերաբերյալ արտակարգ կոմիտեի երկրորդ նիստի ավարտից հետո: ՄԱԿ-ի առողջապահության կազմակերպության ղեկավար Թեդրոս Ադհանոմ Գեբրեյեսուի խոսքով, ավելի քան 16 000 դեպք է գրանցվել 75 երկրներում:

- Ըստ Առողջապահության համաշխարհային կազմակերպության, «Կապիկի ծաղկի» վտանգը չափավոր է աշխարհում ու բոլոր տարածաշրջաններում, բացառությամբ՝ եվրոպական տարածաշրջանի, որտեղ մենք ռիսկը բարձր ենք գնահատում,- ասել է Գեբրեյեսուը:

Ներկայումս աշխարհում կա միայն երկու նման առողջապահական արտակարգ իրավիճակ՝ կորոնավիրուսի համաճարակը եւ պոլիոմելիտի վերացման շարունակական ջանքերը:

ՍՈՑԻԱԼԱԿԱՆ

ԿՈՐԱ ԳՎԵՆԵՏԱԶԵ. «ՆԵՐԿԱՅԻՍ ԳՆԱԾԻ ԴԱՆԴԱՂԵՑՄԱՆ ՆՎԱԶ ՏԵՄՊԵՐԸ ԿԱՐԱԳԱՆԱՆ»



Վրաստանի ազգային բանկի նախագահ Կորա Գվենետաձեի խորհրդարանի ֆինանսաբյուջետային հանձնաժողովի նիստին հայտնեց, որ տարեկան գնաճը կնվազի ավելի դանդաղ տեմպերով, իսկ 2023 թվականից գնաճի նվազումը կարագանա:

Կորա Գվենետաձեի խոսքով, ընթացիկ կանխատեսումներով՝ տարեվերջին պետք է լինի տարեկան մոտ 9 տոկոս գնաճ, միջինը հավանաբար՝ 10 տոկոս:

- Կարելի է ասել, որ վարկային ակտիվությունը շատ բարձր է, եւ չի բացառվում, որ սա մույնպես ազդեցությունն ստեղծի գնաճի վրա:

Նպատակային գնաճին մոտենալու առումով, կարծում են, այլ հավասար պայմաններում գնաճի նվազման արագացումը տեղի կունենա 2023 թվականին եւ կվերադառնա իր նպատակային ցուցանիշին չորրորդ եռամսյակում,- հայտարարեց Կորա Գվենետաձե:

ՎԱԿԵՐԱՑՎԵԼ Է ԿԵՆՍԱԿԱՐԱԿԱՆ ԺԱՌԱՅՈՒՄԻ ՍԱԿԱՐԴԱԿԻ ԱՃ

Վրաստանի ազգային վիճակագրական ծառայության տվյալներով, 2022 թվականի հունիսին, նախորդ ամսվա համեմատ, կենսաապահովման մա-

կարդակն աճել է 10,2 լարիով:

Գերատեսչության տվյալներով, նախորդ ամիս աշխատունակ տարիքի տղամարդու կենսաապահովման մակարդակի չափը կազմել է 255,3 լարի, մինչդեռ 2022 թվականի մայիսին այդ ցուցանիշը կազմել է 245,1 լարի:

Մայիսի համեմատ, հունիսին կենսաապահովման մակարդակն աճել է 9,1 լարիով եւ, 217 լարիի փոխարեն, դարձել 226,1 լարի:

Ինչ վերաբերում է 2021 թվականի մույն ժամանակահատվածին, ապա 2021 թվականի հունիսին այն կազմել է 190 լարի:

ՄԻՋՈՑԱՌՈՒՄՆԵՐ՝ ՀԱՅԻ ԹԱՆԿԱՑՈՒՄԸ ԿԱՆԽԵԼՈՒ ՀԱՄԱՐ



Վրաստանի բնապահպանության եւ գյուղատնտեսության նախարար Օթար Շամուգիան, անդրադառնալով ցորենի ներկրման եւ երկրում հացի համապատասխան պաշարի ստեղծման հարցին, նշեց, որ ցորենի ներկրման զգի վերաբերյալ վերջնական որոշում չի կայացվել:

Նախարարի խոսքով, գերատեսչությունը պետք է այնպիսի պայմանագիր կնքի, որը չի թանկացնի հացը:

Ըստ Օթար Շամուգիայի, ներկայումս Վրաստանում ընթանում է ցորենի բերքահավաքի գործընթացը, ինչը որոշ չափով կնպաստի ալրադաշնների աշխատանքին:

- Մեզ համար կարեւոր է այնպիսի որոշում կայացնել, որը ցավոտ չի լինի մեր բնակչության համար եւ

չի թանկացնի հացը,- հայտարարեց Օթար Շամուգիան եւ հավելեց, որ Վրաստանը 2022 թվականի առաջին 6 ամսում զնել է 44 հազար 433 տոննա ցորեն, ինչի համար վճարել է 14,6 մլն դոլար: Երկրում ցորենի հիմնական ներկրողը շարունակում է մնալ Ռուսաստանը՝ 37,461 տոննա:

ՕԳՈՍՏՈՍԻՑ ԿՆՎԱԶԵՆ ԿԱՌԵԼԻՔԻ ԳՆԵՐԸ

Վրաստանում մավթ ներմուծողների միության նախագահ Վանո Մթվրալաշվիլու հավաստմամբ, հաջորդ ամսվանից Վրաստանում վառելիքի գները կնվազեն:

Նրա խոսքով, գների նվազման պատճառը մի կողմից լարիի փոխարժեքի ամրապնդումն է, մյուս կողմից՝ միջազգային շուկայում մավթի գների նվազումը:

- Հաշվի առնելով, որ լարիի փոխարժեքն ամրապնդվում է, իսկ միջազգային շուկայում մավթի գները նվազում են, իմ տեղեկություններով վառելիքի գները միանշանակ կսկսեն նվազել օգոստոսի սկզբից:

Միջազգային շուկայում վառելիքի գնի անկումը սկսվել է հունիսին, թեւ վերջին 2 շաբաթվա ընթացքում անկումն ավելի ինտենսիվ է եղել, ըստ այդմ, վառելիքի գնի նվազումը շուտով կարտացոլվի վրացական շուկայում,- ասաց Վանո Մթվրալաշվիլին:

Հիշեցնենք, եթե հունիսի սկզբին «Բրենթ» տեսակի մավթի 1 բարելի գինը 116 դոլար էր, ապա այսօր այս գինը նվազել է՝ հասնելով 105 դոլարի: Ինչ վերաբերում է լարիի փոխարժեքին, ապա լարին արդեն երրորդ շաբաթն անընդմեջ ամրապնդվում է: Տարեսկզբից դոլարի նկատմամբ լարիի փոխարժեքն ամրապնդվել է 9,67 տոկոսով, իսկ այս ամսվա ընթացքում ամրապնդման տեմպը գերազանցել է 3,01 տոկոսը:

ՏԱՐԱԾԱՆԵՐԱՆ



ՄԻՍՏԵՐԱՆՔԻ. ԿՐԿԻՆ ԿԱՐԿՈՒՏ ԵՎ ԿՐԿԻՆ ՎՆԱՍՆԵՐ

Հուլիսի 26-ին, ժամը 16:10-ի սահմաններում, Ախալքալաքի մունիցիպալիտետի մի շարք գյուղերում կարկուտ է տեղացել, զգալի վնաս է հասցվել ինչպես տներին, այնպես էլ՝ հացահատիկի եւ կարտոֆիլի ցանքատարածություններին ու դաշտերին:

Ինչպես «Վրաստանի» հետ հեռախոսազրույցում նշեց Ախալքալաքի մունիցիպալիտետի քաղաքապետ Մելքոն Մակարյանը, հսկայական կարկտաքարերը տեղացել են Դադեշ, Սուլդա, Մուրջախեթ, Խոսպիո եւ այլ գյուղերում:

Մուրջախեթում, ըստ տեղի բնակիչների, վնասը մեծ չի եղել՝ ի տարբերություն Դադեշ եւ Սուլդա գյուղերի:

- Կարկուտը մեծ վնաս է հասցրել տներին, ցանքադաշտերին: 650 հեկտարից մոտ 500 հեկտար ցանքատարածությունը ոչնչացվել է: Այդ հողերի միայն 2 տոկոսն է ապահովագրված,- հայտարարեց քաղաքապետը եւ հավելեց, որ քաղաքապետարանը չի կարող օգնել բերքի վնասման դեպքում, քանի որ գյուղատնտեսական ապահովագրության պետական սուբսիդիաները ուղղված են հատկապես ման իրավիճակներում ֆերմերներին օգնելուն, ուստի տեղական իշխանությունները չեն կարող գումար հատկացնել գյուղատնտեսական հողերի վնասը փոխհատուցելու համար:

Քաղաքապետի խոսքով, Ախալքալաքի քաղաքապետարանին դիմել են միայն Դադեշ գյուղից՝ կարկտից վնասված տանիքի հարցով, որի վնասը քաղաքապետարանը, համեմատողովի ստուգայցից հետո, հնարավոր է փոխհատուցի:

ՆԻՆՈՇՄԻՆԴԱ. ՀՈՒՆԻՍԱՆ ՋՐՏԱՀԱՐՈՒԹՅՈՒՆՆԵՐԸ ՎՆԱՍԵՅԻՆ ԿԱՐՏՈՑԻՒ ԱՐՏԵՐԸ

Այս տարվա բնական տեղումները երկու լուրջ վնաս հասցրեցին Նինոծմինդայի մունիցիպալիտետի բնակիչների բերքին. նախ՝ կարկուտ, հիմա՝ ցրտահարություն:

Հուլիսի 25-ի գիշերը սաստիկ ցրտահարությունը վնասել է Նինոծմինդայի մունիցիպալիտետի գյուղերին: Այժմ մունիցիպալիտետում կան արտեր, որոնք գրեթե չեն տուժել, բայց դաշտեր էլ կան, որտեղ անհուսալի վիճակ է:

Գյուղատնտեսության մասնագետները ֆերմերներին խորհուրդ են տալիս սպասել 1-2 օր, իսկ հետո բերքի մի մասը պահպանելու համար բուժում իրականացնել ֆունգիցիդներով, միկրոտարրերով եւ խթանիչներով:



ՔՎԵՍՈ ՔԱՐԹԼԻՈՒ ՄԵԿՆԱՐԿԵՅ ՀՈՂԵՐԻ ԳՐԱՆՅՄԱՆ ԳՈՐԾԵՆԹԱՅԸ

Քվեմո Քարթլիի նահանգապետ Գիորգի Դոխտուրիշվիլին հանդիպել է արդարադատության նախարարության Հանրային ռեգիստրի ազգային գործակալության ներկայացուցիչների եւ նահանգի մունիցիպալիտետների քաղաքապետների հետ՝ կապված հողերի համակարգված գրանցման հետ:

Տեղեկատվական հանդիպման շրջանակներում քննարկվել են հողերի համակարգված գրանցման ընթացիկ եւ նախատեսվող անելիքները:

- Վրաստանի վարչապետ Իրակլի Դարիբաշվիլու նախաձեռնությամբ սկսվել է հողերի համակարգված գրանցումը: Քվեմո Քարթլիի տարածքում 2022 թվականին նախատեսվում է հողերի համակարգված գրանցում, որը կլինի անվճար յուրաքանչյուր քաղաքացու համար,- նշեց նահանգապետը:

Ըստ ժամանակացույցի, Հանրային ռեգիստրի ազգային գործակալությունը 2022-2024 թվականներին հողամասերը չափագրելու է՝ դրանք գրանցելով որպես մասնավոր, պետական կամ համայնքային սեփականություն:

ՈԼՈՐՏ

ՎՐԱՍՏԱՆՈՒՄ ՕԳՏԱԳՈՐԾԱԾ ԱՎՏՈՄԵԲԵՆԱՆԵՐԻ ԳՆԵՐՆ ՕՐԵՅՕՐ ԱՃՈՒՄ ԵՆ

Աշխարհում զարգացող իրադարձությունների արդյունքում, օգտագործած մեքենաների գինն օրեցօր աճում է: Բնականաբար, այդ հանգամանքը վնասում է ավտոմեքենաների գործարարությանը զբաղվողներին, մասնավորապես՝ որ իրավիճակի փոփոխման նախադրյալներ դեռես չկա:

«Վրաստան» թերթի հետ զրույցում, ավտոներկրողների միության նախագահ Լաշա Դարբախեշվիլին նշեց, որ օգտագործած մեքենաների գները դեռես կորոնավիրուսի ժամանակահատվածում աճեցին եւ դրանից հետո չեն նվազել ո՛չ Ամերիկայում, ո՛չ Եվրոպայում:

- Այդ ամենին ավելանում է տեղափոխման հիմնախնդիրը: Եթե նախկինում սահմանված էր մեկամսյա ժամկետ, ապա այսօր հասցվել է 3-4 ամսվա,- հայտարարեց Լաշա Դարբախեշվիլին եւ հավելեց, որ Վրաստանի բնակչության համար լուրջ դժվարություն է մեքենա գնելը, քանի որ բարձր է արժեքը կնվազման մակարդակը:

- Այդ հանգամանքը բացասաբար է անդրադառնում ավտոմեքենաների գործարարության վրա: Այսօրվա դրությամբ, մեր գնորդները գերադասությունը տալիս են պարենամթերքին եւ ոչ թե պերճանքի առարկային,- նշեց ավտոներկրողների միության նախագահը:

Ավտոներկրող ավտոմոբիլային ոլորտի փորձագետ Էլզուլա Ջամազաձեի հավաստմամբ, գները, իրոք բարձր են, ինչն իր ազդեցությունն է գործում արտասահմանից ավտոմեքենաների փոխադրման վրա:

- Օգտագործած ավտոմեքենաների գների ավելացումը պայմանավորված է նաեւ նրանով, որ Եվրոպայում ու Ամերիկայում այդ մեքենաների գներն ավելացել են: Ավելացել է նաեւ փոխադրման արժեքը: Ամերիկայում վառելանյութի գնի ավելացումը հանգեցրեց ներքին փոխադրումների թանկացմանը, ինչը իր հերթին պայմանավորեց ապրանքի գների ավելացումը: Երկրորդ պատճառը փո-



նախնդիրներն են, ինչպես նաեւ կոնկրետ մեքենաների հարցով Վրաստանում տրվող հայտերի թվի կրճատումը,- հայտարարեց փորձագետը:

Խոսելով օգտագործած մեքենաների գների ավելացման թեմայի շուրջ, «Վրեթալ ավտոմոբիլորտ» ընկերության հիմնադիր Վանո Բաշինաշվիլին նշեց, որ դրա պատճառներից մեկը մեքենաներում օգտագործվող չիպերի հիմնախնդիրն է:

- Դրան ավելացնենք նաեւ այն, որ օգտագործած մեքենայի փոխադրման արժեքն ավելացել է 30 տոկոսով: Եթե դատենք մենք մեր ընկերության օրինակով, ապա ընթացիկ տարվա հինգ ամսում, նախորդ տարվա մույն ժամանակահատվածի համեմատ, մեքենաների գները ավելացել են 100 տոկոսով, եւ այդ միտումը շարունակվում է,- հայտարարեց Վանո Բիճինաշվիլին:

Նշենք, որ 2022 թվականի առաջին կեսին, Վրաստան ներկրած ավտոմեքենաների 10 տոկոսը մարդատար մեքենաներն են: Վիճակագրական ծառայության տվյալներով, ընթացիկ տարվա հունիս ամսին մարդատար ավտոմեքենաների ներկրումը կազմում է ներկրվող ապրանքների գերակշիռ մասը, ինչը ենթադրում է ընդհանուր ներկրած ապրանքների գնի 10,3 տոկոսը, շուրջ 606,8 միլիոն ԱՄՆ դոլար:

Էջը պատրաստեց ՅՈՒՐԻ ԽՈՐԵՆՅԱՆԸ խաղողումների հիմ-